

在見何以故如來無有色可以色而作名字
受想行識亦不可作名字如來無識可以識
作名字者若有實者如來亦無有色如一切
衆坐有色阿難莫作是見何以故如來畢竟
不得是色若色是我若我是色如來說色猶
如泡沫畢竟無色何者色性唯有音聲何者
為聲謂言道分但如來說色如世語言

九末

恃二

大威德陀羅尼經卷第十二

駛徒史音齧反音結鈍徒困反慢上莫反緩下胡伴反稠反稠直
反項頸上胡講反搏食上音鎧反感反倉康

大威德陀羅尼經卷第十三

恃三

隋大天竺三藏法師闍那崛多等譯

何者世間語言謂色色處及色生處是故名
色為老死生故若作色及色處所有作處彼
無有物言無物者彼無有性是義不可說言
如來有色受想行識亦復如是以盡色故諸

佛如來而得解脫不生不滅非不生滅是亦
無體何者色盡是色畢竟無性彼何所盡彼
即盡體彼無生處何者無生處以無處可生
故言無生無生生處是悉無有故言無生是
無生者即見如來亦無生處亦無滅處不優
不劣何故言不優不劣諸佛如來不共世諍
而彼世間共如來諍諸佛如來無有優劣以
是義名無優劣言無優劣者窮盡無明滿足
明故其明無種若無種子即佛世尊諸佛世
尊無有渴愛諸佛世尊已度彼岸諸佛世尊
穿徹通達諸佛世尊不起鬪諍諸佛世尊無
可譏嫌諸佛世尊無說惡處諸佛世尊無害
他處諸佛世尊無有邊際諸佛世尊本性寂
靜何者如來本性寂靜無真性是名世尊本
性寂靜諸佛世尊窮盡寂靜故名寂靜
問曰世尊何因緣故名如來也答言如如如
來故言如來復問言世尊是義要略我不廣
解答言阿難汝言不解者是即此義何以故

諸法難知難解甚深難見難覺何以故諸佛世尊過心境界諸佛世尊不可思議諸佛世尊已度諸食言過度者謂過不善思念乃至取我者諸佛世尊無意思是故如來不可名求諸佛如來如如來無有來也如是彼等諸法如如示現何者如如如者無有變異猶如虛空無有說處無詐諂者無言語者無有濁者無攀緣者無有縛者如來之體狀如虛空不可以名字說何以故如前如來未來亦然現在亦然如來體性今如是說其如來者三世平等以是義故名爲如來亦無去處故名如來復無處可來故名如來爲如來也既無處來亦無處去故名如來爲如來也如一切法如如如是如來故名如來過去出空以過去世空故未來亦空未來空故現在亦空以現在空故過去亦爾如彼過去未來亦爾現在亦然而不捨作行清淨常住無畏寂靜故名如來無有異說何者無異說如四倒

特三

二

涅槃亦爾是故阿難如實說者何者不異說凡所希望無有異處遠離聞諍如來離故是則爲智即是如如以無識故即是如如以有明故即是如如即是虛妄無明如如是無如如是無異體是故如來名阿囉呵三藐三佛陀也亦名無有黑闇如如來無黑闇處不可得闇亦不可得黑如來既除如是黑闇故阿囉呵三藐三佛陀欲住恒河沙等劫不說語言何以故如來無有分別之處既無分別亦無如如既無如如亦無世間諸佛世尊無和合處故名如如阿難此是少分譬喻今證知義故若汝等欲知者亦不可以譬喻以說今汝得知如來所說爲於汝等雖然阿難言恒河沙等劫者所有恒沙假使有爾所恒河所有沙數若干劫中如來能住而彼等劫以一彈指頃即能念知何以故如來之力無有長遠生死故如來有智如來長遠無有生死如來無有度彼岸事得真如體故名無食也阿

難此第一食者謂生死不斷故所謂無明無明緣行略說乃至生死有如是苦惱聚集生起言聚集者阿難何故聚集言聚集者阿難此是迷惑衆生等法若不聚集者即是生已即是頭生白髮彼既見已作如是言我髮白耶語治鬚人言以金鑷子拔此白髮著我右

持三

三

三

手爾時彼治鬚人即以金鑷拔彼白髮著摩訶提婆王隋云大天王右手中爾時摩訶提婆王說此偈言

今我頭上分 如是生白髮 故名爲天使 出家時到也

阿難於汝意云何豈可一人頭上生天使已

餘人頭上亦生天使乎阿難汝莫作是見阿難所言天使者謂渴愛也阿難若以頭生白髮爲天使者所有諸人以被衰老故而取命終彼等一切應生天上阿難其摩訶提婆王生白髮者非天使也阿難被摩訶提婆王即於八萬四千歲中行於梵行以善行梵行因

緣故時摩訶提婆王命終已後生梵王宮阿難以是義故汝應常知言渴愛者謂天使也阿難以分別故言渴愛者天使也阿難其渴愛者生乾竭也當生恐怖故名畏也亦言現前爲何現前謂地獄現前畜生閻摩羅世現前故言渴愛爲現前也阿難復言渴愛現前

者有二種身成就故更無異體言無解脫無解脫者謂流轉生死也以是義故言深著也故名不照也亦名闇諱亦名上孔亦名知者亦名燒然亦名惡生阿難略說所有諸苦皆緣渴愛故名渴愛爲恐怖也

阿難何者爲緣謂妄語也阿難其妄語衆生說我作緣彼觀察已所有緣者彼是渴愛若有緣者彼言緣滿足阿難怨者爲一切衆生向種子處言渴愛者趣向愛處愛者以愛故有於中以何因緣得名以立名故行故故名也誰有有故具足阿羅漢彼衆生能覆藏以何事故彼可覆藏言信解脫何者名信解

脫謂解脫也何者名解脫若自解脫已令他
解脫諸習滅故以不見故名滅諸習其滅諸
習名無滅習於中無法可得而可滅者其外
道等以我慢故執著滅處而言有滅彼如是
說者彼等所有果報之處如來悉知彼等有
何果報謂有地獄名為熱惱是等生彼順邪

恃三

四

堅

見法有何因緣名曰順法隨順眠故趣向地
獄亦隨順眠故趣向生死隨流順行彼等眾
生不能逆流行故名隨順也若見如是隨順
之法彼等還復如是隨順而行隨順展轉以
是義故彼癡人輩故名隨順法也復以何故
名行行也彼無行行是離行行墮失諸佛及

諸聲聞失戒定慧聚是故彼等名非正人故
名集聚也亦名墮迷名墮迷者名曰失也亦
名人間諂也阿難所有眾坐作諂濁者彼等
皆名妄語從妄語起何者妄語取得無物何
者名無物所謂集滅何者名法謂無有集如
來如是之法皆說邪見其言集者謂能聚集

無有處來無處來者亦不可來亦無來者誰
當為滅若言有集即執有常若言有滅彼即
有斷是等諸法無有執處彼等如來之所宣
說所謂空曠空曠是何言空曠者所謂虛空
本無所有言虛空者謂上虛空無覆虛空無
覆虛空者更不可覆故名虛空如來所說一

切諸法猶如虛空以第一義故更復宣說不
可得異不得說者不得智者若異知者名為
無智言無智者謂言我得彼名外道言外道
者彼皆妄語無明所闇若無明闇者彼等以
無明闇迷墮無明闇中不可以名字說此是
阿字門初真如義次第所言阿字者即言生

恃三

五

堅

處亦言無智如是言者是即當有生大食也
謂多無明以何相故名為煩惱所謂阿字各
為無明亦名為王亦名為行亦名不墮落隨
順不違諍論於方便中亦名婆耶斯迦黑當
滿法門為無染著法故無上聖中不發精進
故彼等言無有朋友不得解脫故名食也求

覓勝處起違背事謗佛菩提遠離威儀無有正行故名難共事言難共事者欺誑惡言不隨順教所供養處不隨順取行行雜穢失彼戒行顏色麁澀觀不齊整墮他言中言惡口者不捨疑惑疑惑積聚所言疑者積聚疑心又言至愚癡處亦各使者以魔使故名惡語者復當更造惡業之行身口意中以是因緣名為破者從何所破於聖道中具非聖法故名無聖行亦名行者亦得名食亦名造行亦名妄語亦名渴愛亦名集聚亦名無明亦名諸有亦名無正住如是一切法持受持隨眠起生住故名食也

阿難又言食者是至患處阿難何者至患處不捨行行作結縛處住墮落處我慢增慢增造節縛諂曲顛倒難與共事貪求利養無有信行語言優劣言語麁澀現前麁語習憍猴譚於四方中無有正行恒常欲見煙淡之人如是之等一切諸法自之所作不隨他教厚

煩惱故是故名食此廣縛根本所謂五欲娛樂親近深著迷之受苦以不正搏食故隨眠三界何者遠離搏食謂知五欲之事所著是受一切一切處一切皆悉遠離不熱不惱故名盡渴愛也滅彼得處於第一義亦復不得於中此滅所謂無得何以故其執著者有名

字處彼可捨離若無執處彼無可捨若可得處應當捨離若無得處亦無捨處如出視電衆生當知必有天雷如是如是有所得處佛世尊知當滿足食其覩不出衆生即知不起雷相况復電也如是如是既無得處亦無可滅何以故得處既無竟何所滅其學人輩彼

件三

六

體生思想是無智執所有澄寂無實攀緣於是之中無有學名况復學人學寂滅者若有螺聲於先可捨螺名既無故無實聲若有人言我眼見聲彼實無有彼非善丈夫即有妄言無有實處如是如是若有人言有我之者即非成我即是無義彼求我時理不可得况

復文字若有我者即無我處既無有我以是義故一切諸法本無有我譬如有一丈夫作如是言斫頭亦無有人而可斫頭亦無破傷亦不見人誰被斫者邪念刀刃故亦無刀刃亦復無彼被斫頭者如是語中彼之丈夫豈不作彼妄語之乎無有實言如是如是若言

有我如是言時豈不妄語何以故一切諸法皆悉無我猶如有人作如是言有彼風聚彼無有聚如是言者豈復非是妄語之乎無有是處如是如是若如是言色是我耶其色如聚彼作是言豈復非是妄語之耶若言有彼色聚但有譬喻不言是色如彼聚沫不說是

識猶如彼幻其有因緣若言如幻言幻者無實虛妄妄語之法其涅槃者非妄語法以是義故其五陰聚言如彼幻彼輩如實不知是五陰聚猶如彼幻所不知者彼即可說為對猶也亦名無實語也名能幻化者是名幻師若有作語言想彼名幻想也彼名無正體彼

特三

七

聖

名戲論彼名無定性彼名為癡無有智者彼至癡處以是義故名為癡也彼於何處受癡報也謂地獄畜生閻摩羅世中阿難是故如來不與陰聚想者出家亦不與俱如來曾作如是之說若智人來不曲不諂無諸過患可與出家

阿難何因何緣言有智者有智有慧故言智者何者名智以解實故名之為智何者解實者知有世間妄語彼如來教中言有智者何者世間中知妄語耶五陰聚如是言時世間妄語諸界諸入無有如是說時即是世間妄語於聖教法中諸界諸入皆悉不實彼等諸法應如是知彼於世中是則為實無有妄語於諸聖中亦為實語以是因緣故如來作如是說世間共我諍我不共世間諍况復別有陰聚也別有世間也阿難汝莫作是見諸行皆空
阿難其福德者是為五陰聚義是方便名能

作有為諸行故言作行也如是色聚受想行識聚造作即言是色何以故誰有作者彼還受者如是受想行識作者彼即受者何以故誰為作者還為受者如來如是不得色受想行識如來既不得者彼若當作無有是處以此因緣如來說一切諸法無有諸行諸法生

時自生諸法滅時自滅若有生者若有滅者此是凡夫之所取著如諸聖人所受取於彼之中無生滅者何以故一切諸法畢竟悉空一切諸法皆畢竟虛若持諸法不實之者彼等轉實於不實中轉既為不實即無有食無有倚處不依十大故心亦不起受持財物若

識不淨意為前行故是故一切諸法意為前行以意持義故於後無恐畏故言食也阿難雖然所言食者所欲得食五十四種色為食想是諸蟲戶所生之食八十疽戶還以色為食是諸人輩以業為食為煩惱故煩惱食者為受果報果報者為諸法食如是業果報以

持

八

八

為意食其意食者為諸善法以受持故名之為食色想故乃至法想故故言為食有為之中畜生等輩各相食噉其閻羅世及諸地獄以鐵丸為食諸人等輩有二十一心功德為食無明心為煩惱其外諸仙意濁為食以濁心故成就滿足不歡喜處分別滿足如是色

聲香味觸乃至意以法為食有四種食染著者說十二緣生為食勤求禪定者以寂滅歡喜為食空相者以寂滅為食無所念者以空為食若於是身無彼物者所有彼食何者為食四正念處四正斷四如意足四禪定五根五力七菩提分八聖道分善逝明解脫乃至

略說解脫想者解脫為食復次乃至隨有彼想若所隨想者殺生者不與取者妄語者乃至略說邪見者邪見為食於色渴愛於聲香味觸法渴愛以法渴愛為食所有無明以無明為食所有不正念以不正念為食以有食故生於三界求覓有者

復次如是等食如來所說以有所愛以愛為食有眼著處是為煩惱非無煩惱處為煩惱所濁者如來失念者非不失念者昔失念者非不昔失念者有取者非不取者何者是取有四種取欲取見取戒取我取有何緣故取說我取以欲因緣故說我取何者是欲若於

持三

九

欲縛著何者欲體事為欲體及諸煩惱為欲體於中所有若非事者謂諸煩惱欲何以故所有煩惱事不可得故於中所有煩惱欲體彼非事欲是故正有一欲無有二種有事欲者彼即顛倒若有顛倒彼即無實若無實者彼是意法

復次若有彼意意之所生彼即分別一切分別悉為非善以不正念故生欲無住處何有事也譬如有一丈夫作如是言我作屋宅覆上虛空出入無礙阿難於汝意云何彼丈夫所言之處可信以未安基址於上空中能著覆不阿難言不也世尊如是如是阿難無

分別住處豈可能生不正念分別也不也世尊阿難其分別者諸聖聲聞知其不實彼則不為分別所牽以是義故諸聖聲聞無有分別是故名為無有他法之所牽攝凡夫如是為諸煩惱之所牽攝是故言不可牽攝謂聖聲聞無有食也是故不作三昧分別更不著

鎧豈得復名須陀洹也豈得復在須陀洹位今已斷滅須陀洹道於上不復更有修作此等諸食為凡夫輩以於生死迷惑流轉住不正道故名凡夫具足尸法常有所作忘失正念業言諸法執持刀劍詐為聖相具煩惱濁隨順煩惱多諸瞋恚心無定性隨順憍慢為

魔所使住無定處面向將墜地獄畜生及閻羅世空重未來所見之法雖有皮覆無利壽命譬如駛風吹兜羅毘凡所得處即於中住於彼生愛於彼生縛未得解脫五種無間所有作處常說有我說有衆生說有壽命說富伽羅彼等馱背不樂聖人大乘梵行凡所作

